

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1- 36-8660-1/24
Tuzla, 09.04.2024. godine

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06, 13/11 i 15/17), Vlada Tuzlanskog kantona na sjednici održanoj dana 09.04.2024. godine, d o n o s i

ZAKLJUČAK

I

Prihvata se Informacija o stanju u oblasti sporta na području Tuzlanskog kantona u 2023. godini.

II

Informacija iz tačke I ovog Zaključka uputit će se Skupštini Tuzlanskog kantona na razmatranje.

DOSTAVITI:

- 1 x Skupštini Tuzlanskog kantona
- 1 x Ministarstvu za kulturu, sport i mlade
- 1 x Evidenciji
- 1 x a/a



PREMIJER KANTONA

Irfan Halilagić
Irfan Halilagić



Bosna i Hercegovina
Federacija Bosne i Hercegovine
Tuzlanski kanton
Ministarstvo za kulturu, sport i mlade

INFORMACIJA **o stanju u oblasti sporta na području Tuzlanskog kantona u** **2023. godini**



Mart 2023. godine

SADRŽAJ

UVOD	3
1 Stanje u oblasti sporta	4
1.1 Stanje institucionalnog i normativnog okvira u Bosni i Hercegovini i Federaciji BiH	4
1.2 Stanje institucionalnog okvira na području Tuzlanskog kantona	5
1.3 Stanje institucionalnog okvira na području lokalnih zajednica Tuzlanskog kantona	7
1.4 Aktivnosti Sportskog saveza Tuzlanskog kantona	9
1.5 Aktivnosti sportskog Saveza lica sa invaliditetom Tuzlanskog kantona	11
1.6 Aktivnosti Školskog sportskog saveza Tuzlanskog kantona	12
1.7 Sport, sportska infrastruktura i stručni kadrovi u lokalnim zajednicama na području Tuzlanskog kantona	13
1.8 Školski sport na području Tuzlanskog kantona	18
1.9 Najznačajniji sportski uspjesi u 2023.godini	20
2 PODRŠKA RAZVOJU SPORTA OD STRANE ORGANA VLASTI	23
2.1 Podrška Ministarstva civilnih poslova BiH sportskim manifestacijama u 2023. godini	23
2.2 Poticaji razvoju sporta od strane Federalnog ministarstva kulture i sporta	23
2.3 Institucionalna i finansijska podrška razvoju sporta iz sredstava Budžeta Tuzlanskog kantona za 2023. godinu	24
3 SMJERNICE RAZVOJA SPORTA NA PODRUČJU TUZLANSKOG KANTONA U 2024. GODINI	28

UVOD

U skladu sa Programom rada Vlade i Skupštine Tuzlanskog kantona za 2024. godinu, Ministarstvo za kulturu, sport i mlade (u daljem tekstu: Ministarstvo) izradilo je Informaciju o stanju u oblasti sporta na području Tuzlanskog kantona za 2023. godinu.

Cilj izrade Informacije je ostvarivanje kontinuiranog praćenja stanja u sportu, i to kroz rad u sportskim savezima i klubovima, kroz stanje stručnog kadra, finansijske i druge podrške u svim segmentima sporta, a sa krajnjom svrhom upoznavanja Vlade i Skupštine Tuzlanskog kantona sa stanjem sporta i smjernicama za dalji razvoj sporta na području Tuzlanskog kantona.

Informacija o stanju u oblasti sporta bazirana je na podacima dobijenim od različitih subjekata uključujući Poreznu upravu Federacije BiH Kantonalni porezni ured Tuzla, Ministarstvo pravosuđa i uprave Tuzlanskog kantona, Sportski savez Tuzlanskog kantona, Sportski savez osoba sa invaliditetom, te evidenciju Ministarstva.

Informacija daje uvid u stanje sporta na području Tuzlanskog kantona, aktivnosti sportskih saveza na području Tuzlanskog kantona, izdvojena sredstva za podršku razvoju sporta od strane državnog, federalnog i kantonalnog ministarstva nadležnog za oblast sporta, kao i jedinica lokalne samouprave na području Tuzlanskog kantona. Informacija daje uvid u institucionalni i regulatorni okvir za sport na području Tuzlanskog kantona, a sastavni dio Informacije čine smjernice za aktivnosti u 2023. godini odnosno aktivnosti koje su predviđene godišnjim/trogodišnjim planom rada Ministarstva a koje treba da doprinesu razvoju sporta na području Tuzlanskog kantona. Smjernice za aktivnosti koje je potrebno realizirati u 2023. godini kako bi se doprinijelo unapređenju stanja sporta na području Tuzlanskog kantona povezane su sa trogodišnjim i godišnjim programom rada Ministarstva i detaljno su obrazložene u posljednjem poglavlju ove Informacije.

Nakon uvodnog dijela Informacije, dat je pregled stanja sporta na području Tuzlanskog kantona sa ključnim informacijama koje karakterišu stanje sporta na području Kantona. Nadalje Informacija sadrži i pregled izdvajanja sredstava za sport iz budžeta lokalnih zajednica na području Tuzlanskog kantona u 2023. godini, te osvrt na institucionalni i regulatorni okvir za sport na području Tuzlanskog kantona. U posljednjem dijelu Informacije dat je prijedlog smjernica za razvoj sporta na području Tuzlanskog kantona u 2023. godini.

Dostavljeni podaci od strane lokalnih zajednica ukratko su prezentirani u ovom dokumentu, čime se stiče šira slika o stanju u oblasti sporta na području Tuzlanskog kantona. Važno je istaći da pored sredstava koja se izdvajaju iz Budžeta Ministarstva i drugi resori, odnosno druga ministarstva Tuzlanskog kantona u sklopu svojih programa imaju aktivnosti koje se direktno ili indirektno odnose na sport i bavljenje sportskim aktivnostima.

1 Stanje u oblasti sporta

1.1 Stanje institucionalnog i normativnog okvira u Bosni i Hercegovini i Federaciji BiH

Sport i sportske aktivnosti na području Bosne i Hercegovine izuzev na Zakonu o sportu Bosne i Hercegovine („Službeni glasnik BiH“ broj: 27/08 i 102/09) (u daljem tekstu Zakon o sportu Bosne i Hercegovine) zasnivaju se na principima i standardima koji su utvrđeni u Evropskoj povelji o sportu, Evropskoj konvenciji o zaštiti ljudskih prava i osnovnih sloboda, Konvenciji UN-a o pravima djeteta, Međunarodnoj konvenciji protiv dopinga u sportu, Evropskoj konvenciji o nasilju i nedoličnom ponašanju gledalaca na sportskim priredbama, Olimpijskoj povelji, Paraolimpijskoj povelji, pravilima međunarodnih sportskih asocijacija, Evropskom kodeksu o sportskoj etici, Deklaraciji o sportu, toleranciji i fer-pleju, te Izjavi iz Lozane o organiziranju sporta u BiH. Danom stupanja na snagu Zakona o sportu Bosne i Hercegovine („Službeni glasnik BiH“ broj: 27/08 i 102/09) prestaje da važi Zakon o fizičkoj kulturi Bosne i Hercegovine („Službeni list SRBiH“, broj 24/91) te time i Zavod za fizičku kulturu Bosne i Hercegovine.

Do donošenja državnog Zakona o sportu, oblast sporta bila je uređena entitetskim zakonima o sportu, odnosno u Republici srpskoj Zakonom o sportu, dok u Federaciji Bosne i Hercegovine nije donesen i usvojen Zakon o sportu, te je oblast sporta regulirana kantonalnim propisima. Kada se govori o implementaciji Zakona o sportu u Bosne i Hercegovine, može se reći da ona u velikoj mjeri zavisi od organizacije nižih nivoa vlasti i njihove spremnosti da u potpunosti implementiraju Zakon o sportu Bosne i Hercegovine. Zakonom o sportu u Bosne i Hercegovine jasno su definisana prava i obaveze subjekata u oblasti sporta, definisan javni interes sporta na državnom, entitetskom i lokalnom nivou, razrađena su prava i obaveze sportista i sportskih stručnjaka, zdravstvena zaštita u sportu i antidoping kontrola, suzbijanje nedoličnog ponašanja na sportskim priredbama, finansiranje sporta, i slično, također istim se predviđa se strateško planiranje razvoja sporta kako na državnom tako i na lokalnom nivou, a u cilju kontinuiranog planiranja i unapređenja razvoja sporta. Prema Zakonu o sportu Bosne i Hercegovine, jedinice lokalne samouprave, obavezne su da donesu programe razvoja sporta na svojoj teritoriji, a čijom bi se realizacijom ostvario javni interes i ciljevi u oblasti sporta. Smatramo da je od značaja za sport na području cijele Bosne i Hercegovine usaglašavanje entitetskih i kantonalnih zakona sa Zakonom o sportu u BiH, te uspostavljanje najviših pravnih standarda u sportu zasnovanih na međunarodnom pravu i pravu Europske Unije, te podizanje nivoa pravne sigurnosti sportista i sportskih organizacija.

Sistem sporta u Bosni i Hercegovini dijelom je naslijeđen, ali je i izraz potreba sportskih organizacija da se efikasno reorganiziraju u skladu sa tranzicionim procesima. Tako se način finansiranja sportske djelatnosti Bosne i Hercegovine odvija po takozvanom: “Kombinovnom modelu” koji uključuje strukturu finansiranja u kojoj je prisutno djelimično državno finansiranje (javni sektor), i angažiranje sredstava privrede (sponzora, medija, igara na sreću i sl.) što po svom načinu finansiranja karakteriše zemlje tržišne ekonomije. Za državu, entitete i kantone sport nije skup jer se u najvećem dijelu bazira na amaterskom principu takmičenja i dobrovoljnosti rada, a trebamo imati u vidu da sport državi, entitetima, kantonima) plaća velike iznose sredstava u vidu poreza i taksi na sportsku opremu i rekvizite, reklame, ulaznice i putovanja, tako da možemo konstatovati da se novac uložen u sport višestruko vraća i sport postaje jedan od pokretača ekonomije. Izvori finansiranja sporta trenutno su najvećim dijelom budžetska sredstva na lokalnim, kantonalnim i entitetskim nivoima, te članarine i donacije. Finansiranje sporta treba u potpunosti da se osloni na postojeći Zakon o sportu koji je dao jasne smjernice u definiranju finansijske politike.

1.2 Stanje institucionalnog okvira na području Tuzlanskog kantona

Efikasno oblikovanje i implementacija mjera za unaprijeđenje stanja u oblasti sporta na kantonalnom i općinskom nivou zahtijeva definisanje institucionalnog okvira koji jasno opisuje aktere koji se bave (ili bi se trebali baviti) pitanjima značajnim za unaprijeđenje stanja u oblasti sporta, ukazuje na djelokrug rada pojedinih aktera te mehanizam komunikacije između aktera koji su uključeni u cjelokupan proces. Kada je u pitanju Tuzlanski kanton za oblast sporta resorno je nadležno ovo Ministarstvo osnovano 2018. godine, dok poslove koji su vezani za oblast sporta obavlja Odjeljenje za kulturu, sport i mlade. Propis kojim je uređena oblast sporta u Tuzlanskom kantonu je Zakon o sportu - prečišćeni tekst („Službene novine Tuzlanskog kantona“ broj: 11/21) (u daljem tekstu: Zakon). Zakonom se uređuje sport u Tuzlanskom kantonu i gradovima/općinama na području Kantona, javni interes, ciljevi i nadležnost Kantona i grada/općina, definisani su osnovni pojmovi u oblasti sporta, utvrđeni osnovni principi u organizovanju sporta, obavljanje sportske djelatnosti, programiranje razvoja sporta, uspostavljanje i razvijanje sistema sportske kulture, prava i obaveze sportista, načini organizovanja domaćih i međunarodnih sportskih takmičenja i sportskih priredbi, izgradnja, održavanje i korištenje sportskih objekata, osnivanje i rad sportskih organizacija i sportskih saveza, organizovanje i rad ustanova i preduzeća u oblasti sporta, sportske aktivnosti invalida, nagrade i priznanja sportistima i sportskim organizacijama, zdravstvena zaštita sportista, sprečavanje i suzbijanje svih oblika nasilja i nedoličnog ponašanja gledalaca na sportskim takmičenjima, sprečavanje korištenja nedozvoljenih stimulativnih sredstava u sportu, stručni rad, informatika u sportu, finansiranje sportskih aktivnosti, nadzor nad provođenjem propisa i kaznene odredbe. Pored kantonalnog Zakona o sportu primjenjuje se i Zakon o sportu u BiH kojim je uređena oblast sporta na nivou države („Službeni glasnik BiH“, br. 27/08, 102/09 i 66/16). Ovim Zakonom uređena je oblast sporta u Bosni i Hercegovini, javni interes i ciljevi nadležnosti Bosne i Hercegovine, Republike Srpske i Federacije Bosne i Hercegovine, te Brčko Distrikta Bosne i Hercegovine i drugih nivoa administrativnog organizovanja; osnovni principi u organizovanju sporta; prava i obaveze sportista; domaća i međunarodna sportska takmičenja drugih nivoa administrativnog organizovanja u Bosni i Hercegovini; priredbe, izgradnja, održavanje i korišćenje sportskih objekata; ostvarivanje međunarodne saradnje; organizovanje i rad ustanova u oblasti sporta; sportske aktivnosti lica sa invaliditetom; nagrade i priznanja sportistima i sportskim organizacijama; zdravstvena zaštita sportista; sprečavanje i suzbijanje svih oblika nasilja i nedoličnog ponašanja gledalaca; korištenje nedozvoljenih stimulativnih sredstava u sportu; stručni rad; naučnoistraživački rad i informatika u sportu; finansiranje sportskih aktivnosti, nadzor i kaznene odredbe. Ministarstvo je u decembru 2021. godine donijelo Pravilnik o sadržaju i načinu vođenja registra pravnih osoba u oblasti sporta na području Tuzlanskog kantona i Pravilnik o sadržaju i načinu vođenja registra fizičkih osoba u oblasti sporta na području Tuzlanskog kantona. Nažalost u 2023.godini registri nisu uspostavljeni.

Sukladno Zakonu nosioci sportske aktivnosti u Tuzlanskom kantonu su pravne i fizičke osobe registrovane za obavljanje sportskih djelatnosti u skladu sa zakonom. Pravne osobe koje se bave sportskom djelatnošću (sportske organizacije) u smislu navedenog zakona su: sportski klub (amaterski i profesionalni), sportsko društvo, sportski savez, sportski savez u određenom sportu (granski), sportski klub osoba sa invaliditetom (amaterski i profesionalni), sportsko društvo osoba sa invaliditetom, sportski savez osoba sa invaliditetom, sportski savez osoba sa invaliditetom u određenom sportu (granski), udruženje sportske rekreacije, javna ustanova u oblasti sporta, privredno društvo i javno preduzeće u oblasti sporta, školsko sportsko društvo grada/općine, školski sportski savez Kantona, udruženje stručnih osoba osposobljenih za rad u sportu i druga udruženja koja se prema svojim registrovanim djelatnostima bave sportom. Osnovni oblik organizovanja u sportu je sportski klub koji može obavljati sportsku djelatnost

amaterski i profesionalno. Amaterski sportski klub se osniva i registruje kao udruženje za obavljanje sportske djelatnosti, dok se profesionalni sportski klub osniva kao privredno društvo s ciljem obavljanja sportske djelatnosti. Sportske organizacije mogu zasnivati radni odnos sa sportistima, stručnim radnicima, stručnim i administrativnim osobljem. Radni odnos se zasniva u skladu sa Zakonom o radu, a zaposleni imaju sva prava, obaveze i odgovornosti iz radnog odnosa utvrđene zakonom, kolektivnom ugovoru, općim aktima sportske organizacije i ugovoru o radu.

U okviru programa „Finansiranje i podrška razvoju sporta“, Ministarstvo je u 2023. godini realizovalo tri javna poziva namijenjena razvoju sporta kao djelatnosti od javnog interesa na području Kantona i to:

1. Javni poziv za sufinansiranje programa/projekata sportskih organizacija u oblasti tjelesne kulture i sporta za 2023. godinu,
2. Javni poziv za dodjelu sportskih stipendija za sportiste i trenere za 2023. godinu,
3. Javni poziv za sufinansiranje projekata rekonstrukcije i opremanja sportskih objekata za 2023. godinu.

Ministarstvo je u 2023. godini okončalo projekat promocije bavljenja sportom a to su TV emisija „Tinski za sport“ i informativni časopis o sportu „Sportski glasnik TK“. Na ovaj način nastavljena je praksa koja za cilj ima promociju profesionalnog, amaterskog i školskog sporta, sa posebnim osvrtom na zapažene rezultate sportista, sportskih klubova, društava i asocijacija koji egzistiraju na području Tuzlanskog kantona, čiji rezultati često u javnosti opterećenoj dnevno političkim dešavanjima ostaju nezapaženi. Takođe, kroz ova dva projekta izvršena je medijska promocija uspješnih sportskih organizacija, sportista i sportskih radnika sa područja svih gradova i opština Tuzlanskog kantona, kako bi se prvenstveno mlađoj populaciji približila važnost bavljenja sportom, ali i afirmacija aktivnosti masovno-rekreacijskog karaktera i sportskih aktivnosti, kako bi stimulisali povećanje broja sportski aktivnih građana, zbog važnosti bavljenja sportom za zdravlje. Ovakav vid promocije pokazao se izuzetno interesantnim mlađoj populaciji, što je imalo pozitivan učinak na interes za tjelesnom aktivnošću i povećanje broja sportskih organizacija na području Tuzlanskog kantona.

Sport kao socijalni i ekonomski fenomen svijeta značajno doprinosi razvoju države i njenom napretku ka ostvarenju strateških ciljeva postavljenih od strane Evropske unije. Utjecaj sporta na mnoge segmente življenja (zdravlje, stručno usavršavanje, menadžment) bitan je za realizaciju efikasnog sistema u kojem svaka jedinka (čovjek, dijete) mora da ima svoje mjesto kroz neki od vidova fizičke kulture. Ministarstvo je sukladno stanju na terenu mišljenja da je neophodno raditi na upoznavanju sportskih organizacija sa zakonskim i podzakonskim aktima, kako bi njihova primjena bila što efikasnija. Jedan od glavnih faktora poboljšavanja sportskog upravljanja jeste stručno usavršavanje lica koja upravljaju istim i omogućiti im stručno usavršavanje. Također jedan od osnovnih ciljeva Ministarstva u 2023. godini bio je unapređenje stanja u oblasti vrhunskog i kvalitetnog sporta i zato ovom pitanju treba prići sistematski i definisati smjernice, koje se umnogomo mogu definisati kroz Strategiju razvoja sporta. Da bi došli do unapređenja trebamo postaviti sistem koji je jedino održiv, a to je definirati nadležnosti koje će imati efekte koji će realizirati ovaj cilj. Također u 2023. godini Ministarstvo je obezbijedilo stipendije najboljim sportistima i trenerima sa područja Tuzlanskog kantona, svjesno činjenice da je neophodno sportistima omogućiti stipendiranje kroz novčana primanja, te da ukoliko sportista ostvari sportski rezultat treba znati da će taj rezultat biti nagrađen.

Prema podacima Porezne uprave Federacije BiH Kantonalnog poreznog ureda Tuzla na području Tuzlanskog kantona u 2023. godini djelovao je 761 subjekata u oblasti sporta. Pregled broja subjekata u oblasti sporta u gradovima i općinama Tuzlanskog kantona u 2023. godini prezentiran je na Slici 1.

Slika 1. Pregled subjekata u oblasti sporta na području Tuzlanskog kantona u 2023. godini po lokalnim zajednicama¹



Kao što se može vidjeti sa Slike 1, najveći broj subjekata u oblasti sporta djeluje na području Grada Tuzla (237), nakon čega slijede Lukavac (102) i Živinice (79). Prema evidencijama kojima raspolaže Ministarstvo najveći broj sportskih organizacija je u 2023.godini registrovan kao udruženje, upravo iz razloga specifičnosti organizacije i djelovanja sportskih kolektiva koja se u skladu sa odredbama Zakona o sportu osnivaju kao udruženja. U 2023.godini 401 sportski subjekt je registrovano kao udruženje od kojih najveći broj obavlja djelatnost sportskih klubova, dok je 285 subjekta je registrovano kao savez udruženja ili fondacija, od kojih najveći broj obavlja djelatnost sportskih klubova. Nažalost Ministarstvo u 2023.godini nije uspjelo uspostaviti registre pravnih i fizičkih lica u oblasti sporta koji bi nam mogli dati preciznije podatke o egzistiranju i načinu organizovanja subjekata u oblasti sporta na području Tuzlanskog kantona.

Jedan od najvećih detektovanih problema u oblasti sporta kako na području Tuzlanskog kantona tako i na području cijele Bosne i Hercegovine je neusklađenost kantonalnih propisa u oblasti sporta sa državnim, te način finansiranja sporta sa svih razina vlasti, a najveću štetu zbog nerješavanja tog problema trpi vrhunski sport i razvojni pristup sportu, najprije sportski savezi organizovani na državnom nivou i olimpijski/paraolimpijski komitet u čijoj nadležnosti se nalaze reprezentativne selekcije i predstavljanje i zastupanje na međunarodnoj sportskoj sceni koji ostaju uskraćeni za realizaciju planiranih priprema i takmičenja zbog nedostatka finansijskih sredstava, što se direktno odražava i na sportiste sa područja Tuzlanskog kantona. U cilju prevazilaženja problema finansiranja, jednim dijelom se iz Budžeta FBiH izdvajaju sredstva i za državne sportske saveze i za Olimpijski/Paraolimpijski komitet. Tuzlanski kanton je i u 2023.godini nastavio da radi na prilagođavanju svog zakonodavstva principima EU, kao i zakonima viših nivoa vlasti, te se i pri dodjeli sredstava predviđenih za sport primjenjuju zakoni, a posebno Zakon o sportu i Smjernice o minimalnim standardima dodjele budžetskih sredstava putem transfera i subvencija u FBiH.

1.3 Stanje institucionalnog okvira na području lokalnih zajednica Tuzlanskog kantona

U svrhu uvida u budžetska izdvajanja za sport na svim nivoima vlasti, intencija Ministarstva Tuzlanskog kanton bila je da se sagledaju izdvajanja za sport iz budžeta lokalnih

¹ Izvor: Porezna uprava Federacije BiH – Kantonalni porezni ured Tuzla. Podaci obuhvataju subjekte u statusu „aktivan“ zaključno sa 31.12.2023. godine.

zajednica na području Tuzlanskog kantona u 2023. godini. U cilju prikupljanja podataka iz budžeta lokalnih zajednica Ministarstvo je podatke tražilo od nadležnih službi lokalnih zajednica.

Tabela 1. Pregled izdvojenih sredstava za oblast sporta na području Tuzlanskog kantona u 2023. godini po lokalnim zajednicama²

GRAD/OPĆINA	2023. godina
Banovići	680.140,0
Čelić	40.000,0
Doboj istok	116.600,0
Gračanica	1.963,430.0
Gradačac	674,400.0
Kalesija	323,251.3
Lukavac	1,052,964.7
Teočak	63,656.4
Sapna	26,000.0
Srebrenik	590,800.0
Tuzla	2,400,000.0
Kladanj	90,940.6
Živinice	610,000.0
Ukupno: Tuzlanski kanton	8,632,182.91

Na osnovu podataka iz Tabele 1. može se zaključiti da je u 2023. godini najveći iznos sredstava za sport dodijelila Tuzla, a po visini izdvojenih sredstava slijede Gračanica i Lukavac. Koristeći uporedne pokazatelje iz 2021. i 2022. godine uočili smo da su određene lokalne zajednice uvidjele značaj izdvajanja za sport te su ista iz godnine u godinu povećavali, dok su određene lokalne zajednice u 2023. godini u odnosu na prošle godine znatno smanjile svoja izdvajanja, a što je vidljivo na primjeru Grada Tuzla i Općine Kladanj.

Tabela 2. Pregled izdvajanja za sport iz budžeta lokalnih zajednica na području Tuzlanskog kantona u 2021., 2022. i 2023. godini³

Grad/Općina	2021. godina	2022. godina	2023. godina
Banovići	345,646.00	708,940.00	680,140.00
Čelić	35,000.00	33,700.00	40,000.00
Doboj istok	66,000.00	95,600.00	116,600.00
Gračanica	643,934.00	1,963,023.00	1,963,430.0
Gradačac	595,000.00	665.00	674,400.00
Kalesija	308,132.00	341,082.00	323,251.30
Lukavac	679,508.00	907,399.00	1,052,964.70
Teočak	3,000.00	12,800.00	63,656.40
Sapna	14,500.00	21,000.00	26,000.00
Srebrenik	392,900.00	520,900.00	590,800.00
Tuzla	3,048,000.00	3,987,972.00	2,400,000.00
Kladanj	264,150.00	451,927.00	90,940.60

² Izvor: Lokalne zajednice sa područja Tuzlanskog kantona. Podaci obuhvataju subjekte u statusu „aktivan“ zaključno sa 31.12.2023. godine.

³ Izvor- dostavljeni podaci od lokalnih zajednica sa područja Tuzlanskog kantona

Živinice	670,000.00	600,000.00	610,000.00
Ukupno Tuzlanski kanton	7,065,770.00	10,309,343.00	6,668,753.00

Ministarstvo je u 2023. godini imalo zadovoljavajuću komunikaciju sa svim relevantnim akterima u oblasti sporta iz lokalnih zajednica sa područja Tuzlanskog kantona, te sportskim organizacijama u cilju sagledavanja problema sa kojima se iste susreću u svakodnevnom funkcionisanju i iznalaženju rješenja za iste. Na taj način nastavljen je kontinuitet poboljšanja saradnje sa sportskim organizacijama, jer je upravo takav princip rada omogućio da se realno sagleda stanje u oblasti sporta što je dobar input za kreiranje i unapređenje postojećih politika u ovoj oblasti u narednom srednjoročnom i dugoročnom periodu.

Ministarstvo za kulturu, sport i mlade Tuzlanskog kantona treću godinu uzastopno izdvaja značajna finansijska sredstva kada je u pitanju rekonstrukcija i opremanje sportskih objekata a koji se direktno tiče i lokalnih zajednica na čijem području se objekti i nalaze. Provođenjem Javnog poziva za sufinansiranje projekata rekonstrukcije i opremanja sportskih objekata za 2023. godinu utvrđeno je da su sportski objekti u Tuzlanskom kantonu najvećim dijelom u lošem stanju čime je umanjena mogućnost djece i omladine za bavljenje sportom, a samim time je smanjena mogućnost postizanja vrhunskih sportskih rezultata. Posebno manje općine imaju problem sa sportskim dvoranama i prostorom za trenažni proces. Planskim i adekvatnim ulaganjem u sportsku infrastrukturu ne samo da se stvaraju uslovi za postizanje vrhunskih sportskih rezultata, već se poboljšavaju i uslovi za život stanovništva. Bez odgovarajućeg prostora za igru i trening nema uspješnog razvoja sporta, a sportski objekti predstavljaju naslijeđe koje ostaje i budućim generacijama, s tim u vezi Ministarstvo nastoji kroz implementaciju Javnog poziva za sufinansiranje projekata rekonstrukcije i opremanja sportskih objekata poboljšati i unaprijediti stanje u kojima se nalaze sportski objekti na području Tuzlanskog kantona. Ovakvim planskim planiranjem i ulaganjem u sportsku infrastrukturu kroz godine najviše pozitivnog uticaja je imalo u manjim opštinama koje su uz pomoć finansijskih sredstava Ministarstva uspjele dovršiti ranije započete projekte rekonstrukcije i opremanja sportskih objekata, te ih na taj način nakon nekoliko godina čekanja stavile u pogon i na raspolaganje, na radost sportista i sportskih klubova.

1.4 Aktivnosti Sportskog saveza Tuzlanskog kantona

Na osnovu člana 27. Zakona propisano je da se sportski savezi općina i granski sportski savezi Kantona udružuju u Sportski savez kantona. Sportski savez Tuzlanskog kantona osnovan je 1998. godine na inicijativu tadašnjeg Ministarstva za obrazovanje, nauku, kulturu i sport Tuzlanskog kantona. Organi Sportskog saveza Tuzlanskog kantona su Skupština, Predsjedništvo, Izvršni odbor i Nadzorni odbor. Skupština je vrhovno tijelo, a izvršni organ, koji ujedno rukovodi Sportskim savezom je Predsjedništvo Sportskog saveza. Ministarstvo je u 2023. godini nastavilo sa sufinansiranjem stručnih poslova Sportskog saveza Tuzlanskog kantona u iznosu od 47.000,00 KM.

Članice Sportskog saveza Tuzlanskog kantona su petnaest sportskih organizacija koje su registrovane kao kantonalni savez, sportski savez općina i klubovi koji nemaju kantonalnog saveza.

1. Odbojkaški savez TK
2. Karate savez TK
3. Šahovski savez TK
4. Nogometni savez TK
5. Košarkaški savez Tuzlanskog kantona
6. Sportski savez Grada Tuzla

7. Sportski savez Doboj Istok
8. Sportski savez Grada Gračanica
9. Sportski savez Lukavac
10. Sportski savez Gradačac
11. Sportski savez Srebrenik
12. Sportski savez Teočak
13. Sportski savez Kalesija
14. Sportski savez Kladanj
15. Udruženje klubova općine Banovići

U predhodnom periodu sa radom je prestao sportski savez opštine Čelić ali uz punu saradnju i pomoć Sportskog saveza Tuzlanskog kantona pokrenuta i pri kraju je realizacija obnove rada ovog saveza a sportski savez Živinice je obnovio rad i u procesu je ponovnog prijema u članstvo Sportskog saveza Tuzlanskog kantona. Opština Sapna sportske aktivnosti sprovodi u okviru Službe za društvene djelatnosti s kojom Sportski savez Tuzlanskog kantona ima veoma dobru saradnju.

U toku 2023 godine Sportski savez Tuzlanskog kantona je realizovao sljedeće aktivnosti:

- početkom 2023. godine realizovana je 29. manifestacija Izbor sportiste godine Tuzlanskog kantona ,
- u saradnji sa Školskim sportskim savezom realizovane i sprovedene Male olimpijske igre Tuzlanskog kantona,
- učešće u organizaciji Igara mladih BiH u 8 gradova Tuzlanskog kantona,
- učešće predstavnika Sportskog saveza Tuzlanskog kantona u radu komisija i radnih tijela Ministarstva za kulturu sport i mlade TK,
- učešće predstavnika Sportskog saveza u radu i realizaciji aktivnosti Sportskog saveza u BiH,
- stručna pomoć strukovnim savezima Tuzlanskog kantona u organizaciji međunarodnih utakmica koje su održane u 2023 godini – (košarka: BiH – Crna Gora, rukomet: BiH – Kosovo),
- saradnja sa Sportskim savezima gradova/opština i pomoć u realizaciji njihovih aktivnosti,
- saradnja sa Fakultetom za tjelesni odgoj i sport u pripremi realizacije projekata: organizacije nekoliko okruglih stolova sa različitim temama kao i organizacija edukacije trenera na području Tuzlanskog kantona,
- tehnička pomoć pri realizaciji održavanja Specijalne olimpijade,
- pomoć Košarkaškom savezu Tuzlanskom kantona pri realizaciji Lige mladih Tuzlanskog kantona,
- krajem 2023 godine pripreme za realizaciju jubilarne 30. manifestacije Izbor sportiste Tuzlanskog kantona koja je održana početkom 2024 godine.

U 2023.godini u organizaciji Sportskog saveza Tuzlanskog kantona održana je sportska manifestacija pod nazivom „Dani košarke na Tuzlanskom kantonu“. U sportskim dvoranama



devet gradova Tuzlanskog kantona Tuzli, Banovićima, Lukavcu, Gradačcu, Gračanici, Srebreniku, Kladnju, Živinicama i Kalesiji odigrane su utakmice raznih uzrasnih kategorija pioniri, kadeti, juniori, seniori. Odigrano je više od 20 utakmica sa preko 400 aktivnih učesnika i preko 1000 gledalaca koji su mogli vidjeti mnogo lijepih poteza i svu raskoš košarkaške igre.

Važno je za napomenuti da je u 2023.godini Sportski savez Tuzlanskog kantona je po **prvi put uspostavio aktivnu saradnju sa Školskim sportskim savezom Tuzlanskog kantona na organizaciji sistema školskih takmičenja i drugih**

vidova školskog sporta, a u skladu sa članom 43. Zakona. Također Sportski Savez Tuzlanskog kantona uzeo je aktivnu ulogu kada je u pitanju ostupanje u skladu sa kriterijima za dodjelu nagrade i stipendije u sportu Tuzlanskog kantona koje donosi Vlada Tuzlanskog kantona, te učestvovao u prikupljanju dokumentacije neophodne za dodjelu sredstava za osvajače prvih mjesta na školskim takmičenjima. Prema dostavljenim podacima Sportskog saveza Tuzlanskog kantona većina mladih sa područja Tuzlanskog kantona se uopće ne bavi rekreativnim aktivnostima koje bi vodile održavanju tjelesne kondicije i očuvanju zdravlja, a isto toliko njih se bavi aktivnostima barem jedanput sedmično. Ostali upražnjavaju ovakve aktivnosti jednom dnevno, jedanput do tri puta sedmično ili rjeđe. Procenat neaktivnih je značajno veći kada su u pitanju žene u odnosu na muškarce.

1.5 Aktivnosti sportskog Saveza lica sa invaliditetom Tuzlanskog kantona

Sportski savez osoba sa invaliditetom Tuzlanskog kantona je krovna organizacija u oblasti sporta lica sa invaliditetom koja okuplja invalidna lica bez obzira na porijeklo nastanka invaliditeta. Savez je osnovan radi zadovoljavanja potreba lica sa invaliditetom kroz rekreativne i sportske aktivnosti, a u svrhu unapređenja zdravstvenog i psihičkog stanja takvih lica. Članice Sportskog saveza lica sa invaliditetom:

1. Savez za sport i rekreaciju invalida Banovići,
2. Savez za sport i rekreaciju invalida Lukavac,
3. Udruženje građana za sport i rekreaciju invalida Kladanj,
4. Streljački savez invalidnih lica Tuzlanskog kantona,
5. Savez za sport i rekreaciju osoba sa invaliditetom Lukavac,
6. Sportski savez sporta i rekreacije osoba sa invaliditetom Živinice,
7. Savez za sport i rekreaciju invalida Tuzla,
8. Savez košarkaških invalidskih klubova TK,
9. Savez sjedeće odbojke RVI i IL TK,

Sportski savez osoba sa invaliditetom nema ligaška takmičenja, nego jednom u godini organizuje i sprovodi kantonalna takmičenja u 8 grana sporta. Takmičenja se organizuju u pojedinačnoj konkurenciji, gdje se od najboljih pojedinaca po zahtjevanim kategorijama



stvaraju ekipe koje pod nazivom saveza učestvuju na Državnim prvenstvima u 8 sportova i državnim KUP takmičenjima u 6 sportova. Odabirom takmičara sa kantonalnih takmičenja formiraju se ekipe jedna ili dvije u zavisnosti na kojim takmičenjima se učestvuje. Dvije ekipe učestvuju na Državnim prvenstvima i KUP takmičenjima ako je ekipa SSOSI TK na predhodnim takmičenjima osvojila prvo mjesto i ako je SSOSI TK domaćin i organizator držanog prvenstva ili KUP takmičenja, a na ostalim takmičenjima učestvuje jedna ekipa. Za obavljanje navedenih stručnih poslova Sportski savez osoba sa invaliditetom Tuzlanskog kantona sufinansira

se iz sredstava predviđenih za tjelesnu kulturu i sport u Budžetu Tuzlanskog kantona. Sportski savez osoba sa invaliditetom Tuzlanskog kantona za organizovanje i sprovođenje sportskih aktivnosti koristi sljedeće objekte i sportske terene na području TK: sportske dvorane i kuglanu SKPC Mejdan u Tuzli (trenutno u fazi renoviranja), kuglanu i salu za stolni tenis u SKPC Lukavac, Bočalište u naselju Lug i Živinicama, takmičarske staze jezera Modrac u mjestu Kiseljak, jezera Begov Bunar u Malinama, jezera u Bašigovcima.

1.6 Aktivnosti Školskog sportskog saveza Tuzlanskog kantona

Ministarstvo je u 2023.godini intenzivno radilo na osnaživanju kapaciteta Školskog sportskog saveza Tuzlanskog kantona, koji je do 2023.godine bio gotovo pred gašenjem. Uzimajući u obzir da je Ministarstvo stavilo sve svoje kapacitete na raspolaganje kako bi se ponovno aktivirao Školski sportski savez Tuzlanskog kantona, po prvi put u 2023.godini Školska sportska takmičenja su održana na način propisan Zakonom. Prilikom organizacije školskih sportskih takmičenja naišlo se na niz problema u relaizaciji, a koji su intervencijom Ministarstva uspješno otklonjeni. Održana su sljedeća školska takmičenja:

1. Odbojka djevojčice (5-7 i 8-9 razred) domaćin OŠ „Tušanj“ Tuzla,
2. Odbojka dječaci i djevojčice (5-7 i 8-9 razred) domaćin OŠ „Kreka“ Tuzla,
3. Odbojka srednje škole dječaci i djevojčice domaćin SMS Tuzla,
4. Atletika za osnovne i srednje škole
5. Košarka osnovne škole dječaci domaćin OŠ „Prva osnovna škola“ Srebrenik,
6. Košarka osnovne škole djevojčice OŠ „Prva osnovna škola“ Srebrenik,
7. Mali nogomet domaćin OŠ „Grivice“ i OŠ „Banovići“
8. Mali nogomet domaćin MŠS Banovići,

Ministarstvo je izdvojilo značajna sredstva za ostvarene studentske i školske sportske rezultate za 2023.godinu, pa smo tako u 2023.godini podržali postignute školske sportske rezultate za 132 učenika osnovnih i srednjih škola, te njihove nastavnike u ukupnom iznosu od 23.650,00 KM. U prethodne dvije godine iz sredstava kapitalnih ulaganja Vlade započelo se sa izdvajanjem nešto značajnijih sredstava za rekonstrukcije školskih objekata i školskih sportskih sala, što je svakako pozitivna praksa koju treba nastaviti u kontinuitetu.

1.7 Sport, sportska infrastruktura i stručni kadrovi u lokalnim zajednicama na području Tuzlanskog kantona

Ministarstvo je u sklopu svojih redovnih aktivnosti od Sportskog saveza Tuzlanskog kantona i Sportskog saveza lica sa invaliditetom tražilo informacije o stanju oblasti sporta u lokalnim zajednicama na području Tuzlanskog kantona, nažalost sve lokalne zajednice nisu dostavile svoje izvještaje. Kratki osvrt na stanje u oblasti sporta u 2023.godini donosimo u nastavku:

1.7.1.1.1 Općina Banovići

Prema dostavljenom izvještaju Sportskog Saveza Tuzlanskog kantona na području općine Banovići egzistiraju brojni sportski klubovi, među kojima su najzastupljeniji sportski klubovi u sportovima nogomet, košarka, rukomet, stoni tenis i šah. Također na području općine postoje 2 izuzetno uspješna sportska kluba lica sa invaliditetom. Najznačajnije sportske rezultate u ovoj općini u 2023.godini ostvarili su FK "Budućnost" Banovići koji se takmiči u



prvoj ligi Federacije u fudbalu i ŽKK "RMU" Banovići koje se takmiče u Premijer ligi BiH. ŽKK "RMU" Banovići je na kraju redovnog dijela sezone Prvenstva BiH zauzeo visoko 2 mjesto, te izbio u učešće u međunarodnoj WABA ligi. Kada je u pitanju sport lica sa invaliditetom najuspješniji sportski kolektiv je IOK "Tigar 119" Banovići koji se takmiči u Prvoj ligi BiH te je na kraju sezone 2022/2023 zauzeo 3 mjesto. Streljački invalidni klub Banovići se

takođe takmiči u Kantonalnoj i Federalnoj ligi i kako pojedinačno tako i ekipno ostvaruje veoma zapažene rezultate, posebno u pojedinačnoj konkurenciji. Kada je u pitanju sportska infrastruktura Banovići posjeduju jednu gradsku sportsku dvoranu koju koriste svi klubovi čija se takmičenja odvijaju u sportskoj dvorani. Stanje sportske dvorane je izuzetno dobro uzimajući u obzir dugi niz godina menadžment sportske dvorane u saradnji sa institucijama svih nivoa kontinuirano radi na obnavljanju infrastrukture dvorane. Nadalje Općina Banovići ima 6 fudbalskih stadiona, dok u većini mjesnih zajednica i gradu postoje i sportski betonirani poligoni sa rasvjetom za rekreativne sportske aktivnosti.

1.7.1.1.2 Općina Doboj Istok

Prema dostavljenom izvještaju Sportskog Saveza Tuzlanskog kantona stanje u oblasti sporta na području općine Doboj Istok je zadovoljavajuće, imajući u obzir geografski položaj te veličinu ove općine. Najznačajnije sportske rezultate na području Doboja Istoka ostvarili su stonoteniseri pa je tako muška seniorska ekipa STK SPIN Doboj Istok nastupala u premier ligi BiH, a sezonu su završili na 12 mjestu. Ženska kadetska ekipa STK SPIN



Doboj Istok zauzela je treće mjesto na ekipnom državnom prvenstvu BiH (turnirsko takmičenje) dok je muška pionirska ekipa STK SPIN DOBOJ Istok zauzela je treće mjesto na ekipnom državnom prvenstvu BiH (turnirsko takmičenje). Nažalost na području Doboj Istoka ne egzistira niti jedan klub sporta lica sa invaliditetom, što bi bilo od velikog društvenog značaja u pogledu aktivnog angažovanja osoba sa invaliditetom i njihovo uključivanje u sve tokove života, čime se kroz sportsku aktivnost postiže veoma značajan efekat za lokalnu zajednicu.

Kada je u pitanju sportska infrastruktura, stanje u 2023. godini bilo je nepromijenjeno u odnosu na prethodne godine, a u fazi početka izgradnje su sportske dvorane u Brijesnici Maloj i Stanić Rijeci. Trenutno Doboj Istok raspolaže i za potrebe sportskih aktivnosti koristi Sportsku dvoranu u Brijesnici Velikoj, Školsku sportsku dvoranu OŠ Klokotnica, Stadion „Luke“ Klokotnica, Stadion „Čabrina“ Brijesnica Velika, Sportski poligon Brijesnica Mala.

1.7.1.1.3 Grad Gračanica

Na području Grada Gračanice egzistira veliki broj sportskih klubova, koji ostvaruje



zapažene rezultate na BiH sportskoj sceni. Godinama prepoznatljiv sportski brend Grada Gračanice je Rukometni klub „Gračanica“ Gračanica. Rukometaši ovog kluba su se u 2023. godini takmičili u Premijer ligi Bosne i Hercegovine te sezonu završili na 5 mjestu, te izborili učešće na ¼ Kupa . Kada je u pitanju fudbal NK „Bratstvo“ Gračanica se u 2023. godini takmičio u Prvoj ligi FBiH i zauzeo 10 mjesto, te izborio učešće u 1/16 Kupa. Nažalost kada govorimo o sportu lica sa invaliditetom na području grada Gračanice ne egzistira niti jedan klub sporta lica sa invaliditetom.

Kada je u pitanju sportska infrastruktura grad Gračanica

raspolaže sa jednom sportskom dvoranom, osam stadiona sa travnatom podlogom i jednim stadionom sa plastičnom travom, 31 sportski poligon, 3 školske sale i 3 teretane. Većina sportski terena na području grada Gračanica su stadioni za nogomet i kombinovani sportski poligoni. Sportski poligonisu najčešće u vlasništvu osnovnih škola, ali ih održavaju i koriste Mjesne zajednice kako za sport tako i za kulturna dešavanja.

1.7.1.1.4 Općina Kalesija

Sportske aktivnosti na području općine Kalesija, kao i do sada, u prošloj godini odvijale su se kroz plansku aktivnost Sportskog saveza i redovan kalendar takmičenja sportskih klubova koji se takmiče u svojim sportskim granama. Glavno obilježje kalesijskog sporta u minuloj godini nisu bili plasmani u veće rangove ali su svakako svi klubovi, posebno kolektivni posvetili pažnju razvoju omladinskih selekcija. Karate klub "Bosna-Kalesija", KBS "Golden Team" Kalesija, Karate klub "Sigma", KBV "PRISON-BREAK" su nastavili sa uspješnim nastupima u boričkim sportovima. Košarkaški klub „BOSNA“ Kalesija je u svom sastavu uspio održati seniorsku ekipu u sistemu takmičenja. Trenutno na području općine ima 19 klubova, jedno sportsko društvo i dva sportska saveza - Sportski savez općine Kalesija i Nogometni savez općine Kalesija. Kada je u pitanju sport lica sa invaliditetom na području općine Kalesija egzistira jedan sportski klub lica sa invaliditetom i to Odbojkaški klub invalida „Kalesija“ Kalesija, koji se sa dosta uspjeha takmiči u Prvoj ligi BiH (II rang takmičenja).



Na području općine Kalesija trenutno je u funkciji 9 nogometnih terena na kojima se odigravaju utakmice i izvode trenažni procesi. Osim nogometnih igrališta dvorana MSŠ Kalesija služi svim učesnicima u takmičenju koji se takmiče u dvoranama. Važno je za naglasiti da Sportska dvorana u Kalesiji još uvijek nije u funkciji.

1.7.1.1.5 Grad Srebrenik

Jedan od najtrofejnijih sportskih kolektiva na području grada Srebrenika Odbojkaški Klub „Gradina-Tempoplast“ u proteklom periodu (sezona 2022/2023.) se takmičio u 1. Super ligi OS FBiH. Igranjem polufinalnih utakmica ekipa Košarkaškog kluba Gradine je završila među 4 ekipe A1 lige za sezonu 2022/23 što predstavlja izuzetan uspjeh u odnosu na okolnosti koje su pratile rad kluba tokom sezone. Omladinske selekcije kao redovni učesnici Lige mladih RKS Tuzla i ove sezone su uzele učešće gdje su pioniri zauzeli 5. mjesto, a kadetska selekcija 8. mjesto. OK Srebrenik su članice odbokjkaške Super lige FBiH grupa Sjever gdje su bile plasirane u sredini tablice. OFK Gradina članovi su su Prve lige FBiH, sezonu 2022/23 su završili na odličnoj 5. poziciji. Ovo je najveći i najbrojniji sportski kolektiv na području grada Srebrenika. Sa omladinskim sekcijama kadeta i pionira se takmiče u 2. rang u BH nogometa i u sezoni 2022/23 juniori su bili prvaci grupe. Nažalost kada govorimo o sportu lica sa invaliditetom na području grada Srebrenika ne egzistira niti jedan klub sporta lica sa invaliditetom.

Kada je u pitanju sportka infrastruktura Grad Srebrenik posjeduje Gradski stadion, pomoćni teren, atletsku stazu bez tartana, jednu sportsku dvoranu u Srebreniku, 7 školskih fiskulturnih sala na cjelokupnom gradskom području, bazen-plivalište u privatnom vlasništvu kompleksa Orion, fudbalske terene njih 8 i poligone. Stanje sportske infrastrukture na području grad Srebrenik je zadovoljavajuće sa tendencijom podizanja uslova za bavljenje sportom.

1.7.1.1.6 Grad Tuzla

Sportske aktivnosti na području Grada Tuzla u prošloj godini odvijale su se kroz plansku aktivnost Sportskog saveza i redovan kalendar takmičenja sportskih klubova koji se takmiče u svojim sportskim granama. Do momenta sačinjavanja ove informacije nismo dobili podatke o najznačajnijim ostvarenim rezultatima na području ovoga grada iz razloga što manifestacija Izbor sportiste godine za 2023.godinu još nije održana, te je ista planirana za mjesec mart 2024.godine. Imajući u vidu da je Ministarstvo u 2023.godini finansijski podržalo odlazak reprezentativke sa područja Tuzlanskog kantona na Svjetsko prvenstvo jedan od najznačajnijih rezultata u pojedinačnim sportovima sa područja grada Tuzla bio je seniorske reprezentativke Bosne i Hercegovine i članice Kluba ritmičko-sportske gimnastike „Sloboda“ Tuzla Amile Bećirović. Amila je zajedno sa trenericom Svitlanom Tinjić predstavljala BiH na Svjetskom prvenstvu ritmičke gimnastike za seniore koje je održano od 23. do 27. augusta u Valenciji (Španija). Bećirović je nakon odličnog nastupa na Evropskom prvenstvu u Baku ostvarila je plasman za ovo Svjetsko prvenstvo i kao jedina predstavnik Bosne i Hercegovine predstavljala državu na smotri najboljih svjetskih gimnastičarki. Bećirović je 2022. godine na Evropskom prvenstvu u Tel Avivu ostvarila plasman za učešće na Svjetskom prvenstvu za seniore u Sofiji kao jedina predstavnik države.



Grad Tuzla posjeduje izuzetno dobru sportku infrastrukturu, trenutno je najznačajniji SKPC Mejdan koji svoje dvorane za trenažni proces iznajmljuje velikom broju sportskih klubova sa područja Tuzlanskog kantona, također i Gradski stadion Tušanj – koji pored glavnog terena ima i pomoćni teren sa umjetnom podlogom. Za odvijanje trenažnog procesa u upotrebi su i Univerzitetska dvorana i Partizan te nogometni teren u Kampusu Univerziteta u Tuzli korisnik Univerzitet u Tuzli. Svi sportski objekti se nalaze u relativno dobrom stanju i u istim se izvode takmičarski i trenažni procesi.

Nažalost ostale lokalne zajednice nisu dostavile izvještaje sportskim savezima o realizovanim sportskim aktivnostima, te s tim u vezi nismo bili u mogućnosti detaljno prikazati stanje u oblasti sporta na području njihovih lokalnih zajednica. Prilikom dostavljanja podataka od strane većeg broja sportskih saveza uočeno je da nema uređene baze podataka koje se traže od sportskih saveza, te je vrlo teško doći do podataka o reprezentativcima, sportskim objektima, sportskim manifestacijama i ostalim podacima koje bi trebalo da vode ovi savezi. Uzimajući u obzir probleme u finansiranju istih ne čudi takav ishod, te je u narednom periodu potrebno inicirati rješavanje problema finansiranja sportskih saveza na lokalnom nivou ili pronaći drugi način organizacije istih. Mada treba istaći da i oni kod kojih je riješeno pitanje finansiranja nemaju evidenciju o gore navedenim podacima, te je u narednom periodu potrebno pronaći adekvatan model finansiranja ali i kontrole i nazora ovih saveza. Prema evidencijama kojima raspolaže Ministarstvo najuspješniji sportski kolektiv na području Gradačca bio je Košarkaški

invalidski klub „Zmaj“ Gradačac zauzeo 2. mjesto u Premijer ligi BiH koju čine zajedno ekipe iz RS i FBiH, te je uz pomoć ostvarenog rezultata uspio obezbijediti učešće u Regionalnoj NLB wheel ligi. Na području Grada Lukavca najuspješniji sportski kolektivi bili su KBS ORKKA, KBS Trener Sensei u pojedinačnim sportovima dok su u kolektivnim najuspješniji ŽOK „SMEČ“ Lukavac i Odbojkaški klub „7“ Lukavac. Kada je u pitanju sport lica sa invaliditetom najuspješniji sportski kolektiv je Sportski klub invalida sjedeće odbojke „Sinovi Bosne“ koji se u 2023. godini takmičio u Premijer ligi BiH, te uspješno izborio nastup na međunarodnoj sceni. Uzimajući u obzir geografski položaj, te osjetnu prisutnost odliva stanovništva na području Teočaka najuspješniji sportski klub je Fudbalski klub Teočak. Na području Grada Živinica egzistira veliki broj sportskih klubova koji ostvaruju izuzetno uspješne rezultate neki od najuspješnijih kolektiva su Rukometni klub Konjuh Živinice koji se takmiči u Premijer ligi BiH u rukometu, Ženski rukometni klub Živinice, Ženski fudbalski klub Fortuna. Posebnu pažnju zaslužuje Streljački invalidski klub Živinice sportski kolektiv sa područja Živinica koji na međunarodnoj sceni ostvaruje zapažene rezultate. Klub se u 2023. godini takmičio u Prvenstvu BiH, a sezonu 2022/2023 završili su na prvom mjestu na Prvenstvu BiH u ženskoj kategoriji. Kada je u pitanju sport u Kladnju najuspješniji sportski kolektiv je Skijaški klub „Kladanj“.

Kada govorimo o **sportskoj infrastrukturi na području Tuzlanskog kantona** sportski objekti u Tuzlanskom kantonu najvećim dijelom su u lošem stanju čime je umanjena mogućnost djece i omladine za bavljenje sportom, a samim time je smanjena mogućnost postizanja vrhunskih sportskih rezultata. Posebno manje općine imaju problem sa sportskim dvoranama i prostorom za trenažni proces. Planskim i adekvatnim ulaganjem u sportsku infrastrukturu ne samo da se stvaraju uslovi za postizanje vrhunskih sportskih rezultata, već se poboljšavaju i uslovi za život stanovništva. Jedan od načina bolje brige za stanje sportskih objekata je da se isti kategorizuju, proglase objektima od kantonalnog ili lokalnog značaja kako bi se planski sufinansirala izgradnja i kontrolisalo namjensko korištenje javnih sportskih objekata.

Na području Tuzlanskog kantona postoje:

- dva bazena zatvorenog tipa od kojih je za potrebe trenažnog procesa i građanstva u funkciji bio samo jedan (Hotel Melain), dok je bazen u Hotelu Tuzla zatvoren zbog hitno potrebne sanacije. Hotel Melain je omogućio sportskim klubovima da odvijaju trenažni proces, ali po izuzetno visokoj cijeni, te se može reći da plivački klubovi ali i Tuzlanski kanton nemaju gradski bazen.
- sedam nogometnih stadiona na kojima se igraju utakmice Premijer lige Bosne i Hercegovine, Prve i Druge Federalne lige.
- na području Tuzlanskog kantona ne postoji niti jedan atletski poligon koji sadrži kompletan sadržaj za bavljenje atletikom.
- dvadeset teniskih terena od kojih je većina na području Grada Tuzla,
- deset sportskih dvorana i
- nedovoljan broj fiskulturnih školskih sala za potrebe nastave tjelesnog odgoja osnovnih i srednjih škola kao baze za razvoj školskog sporta.

U prethodne tri godine iz sredstava kapitalnih ulaganja Vlade započelo se sa izdvajanjem značajnijih sredstava za rekonstrukciju i opremanje sportskih objekata svakako pozitivna praksa koju treba nastaviti u kontinuitetu.

U kontekstu **stručnih kadrova**, sportske organizacije kao pravne osobe koje se bave sportskom djelatnošću dužne su da obezbijede da stručne poslove u oblasti sporta mogu obavljati isključivo stručne osobe osposobljene za rad u sportu i to: treneri, kondicioni treneri i instruktori, što je propisano odredbama Zakona o sportu. Implementacijom pomenutog člana Zakona, stvorene su pretpostavke kvalitetnog i stručno zastupljenog rada, prvenstveno sa sportistima u mlađim dobnim kategorijama, te naravno i sa seniorima. Na ovaj način stručni

kadrovi koji se školuju na Fakultetu za tjelesni odgoj i sport na Univerzitetu u Tuzli, moći će biti uključeni u rad u sportskim organizacijama, te tako stručna i naučna saznanja stečena na studiju implementirati u trenažni proces, a time i u podizanje nivoa sportskih rezultata u dužem vremenskom periodu. Također, na Fakultetu za tjelesni odgoj i sport Univerziteta u Tuzli, već dugi niz godina uspješno je organizovan postdiplomski studij kao i proces sticanja zvanja doktora nauka iz oblasti sporta, te zavidna naučno-istraživačka djelatnost. Na području Tuzlanskog kantona sa uspjehom djeluje i stručno udruženje Društvo pedagoga tjelesnog i zdravstvenog odgoja Tuzlanskog kantona. Fakultet za tjelesni odgoj i sport Univerziteta u Tuzli u proteklim godinama aktivno je bio uključen u pomoć vrhunskim sportistima sa područja Kantona na polju dijagnosticiranja, planiranja i programiranja trenažnog procesa a sa ciljem postizanja vrhunskih rezultata.

U praksi je nažalost stanje takvo da jako mali broj stručnih osoba radi u klubovima. Da bi se poboljšalo stanje u sportu, u ovom segmentu će biti neophodno što prije poduzimati određene korake. Cilj je poboljšati kvalitet rada sportskih organizacija, a to se posebno odnosi na angažman stručnih osoba za rad sa mlađom populacijom, jer u starijim kategorijama u većini klubova su angažovane osobe koje su prema odredbama Zakona o sportu stručne osobe osposobljene za rad u sportu. Ministarstvo je započelo proces rješavanja ovog pitanja, te se kroz projekte sa kojim sportske organizacije prijavljuju na javni poziv sufinansira 30% troškova za zaposlena stručna lica u oblasti sporta. Rastom sredstava predviđa se i veći iznos sredstava za ove namjene.

1.8 Školski sport na području Tuzlanskog kantona

Jedan od prioriteta zadatka i ciljeva Ministarstva jeste stvaranje uslova za uključivanje što većeg broja učenika u organizovanje sportske aktivnosti. U cilju realizacije ovih zadataka Ministarstvo je u svome radu poseban akcenat stavilo na školski sport i sufinansiranje organizacije školskih sportskih takmičenja u saradnji sa Školskim sportskim savezom Tuzlanskog kantona i Sportskim savezom Tuzlanskog kantona. Kroz školski sport učenici mogu steći vještine, poboljšati fizičku sposobnost, podići samopoštovanje i stvoriti zdrave navike, te izraziti interes i pokazati afinitete prema određenoj grani sporta. Na području Tuzlanskog kantona u 2023.godini organizovana su općinska školska i kantonalno školsko takmičenje poznatije pod nazivom „Male olimpijske igre Tuzlanskog kantona“. Organizacijom ovakve vrste školskih takmičenja nastoji se razviti takmičarski duh između učenika, te pokazati da nije važno pobjeđivati već učestvovati u sportskim aktivnostima. Školska sportska takmičenja su još jedan od načina podsticanja duha olimpizma, sportskog ponašanja te zdravog načina života školaraca, omogućavajući im da od ranog djetinjstva osiguraju zaštitu i brigu o svom zdravlju. Benefiti koji proizilaze iz ovog projekta treba da budu daleko veći, ali je prije svega neophodna kontinuirana saradnja i osviještenost prije svega nastavnog osoblja i svih drugih aktera u realizaciji ovog projekta.



Ministarstvo je i u 2023.godini posvetilo posebnu pažnju realizaciji zvaničnog školskog takmičenja „Male olimpijske igre“ koji se na području Tuzlanskog kantona održava već dugi niz godina. Po prvi put je u realizaciju takmičenja bio uključen i Školski sportski savez Tuzlanskog kantona koji je u 2023.godini dobio novu upravljačku strukturu, te aktivno započeo sa radom. Prije samog održavanja takmičenja Sportski savez Tuzlanskog kantona, Školski sportski savez Tuzlanskog kantona zajedno sa Ministarstvom za kulturu, sport i mlade TK održalo nekoliko radnih sastanaka. Ministarstvo za kulturu, sport i mlade je za pobjednike svih takmičenja obezbijedilo stipendije. Ministarstvo je za učenike i njihove trenere nastavnike/profesore koji su ostvarili 1. mjesto na Federalnom takmičenju utvrdilo iznos stipendije:

- Za učenike koji pohađaju srednju školu i njihove trenere nastavnike/profesore 300,00 KM (rezultata ovoj kategoriji za 2022/2023.godinu nije bilo)
- Za učenike koji pohađaju osnovnu školu i njihove trenere nastavnike/profesore 250,00 KM

Ministarstvo je za učenike i njihove trenere nastavnike/profesore koji su ostvarili 1. mjesto na Malim olimpijskim igrama TK utvrdilo iznos stipendije:

- Za učenike koji pohađaju srednju školu i njihove trenere nastavnike/profesore 200,00 KM
- Za učenike koji pohađaju osnovnu školu i njihove trenere nastavnike/profesore 150,00 KM.

U odnosu na 2022.ngodinu Ministarstvo je u 2023. godini dodijelilo 55 stipendija više za ostvarene školske sportske rezultate za najbolje plasirane učenike i nastavnike u ukupnom iznosu od 23.650,00 KM.

Izuzev zvaničnog školskog sportskog takmičenja Ministarstvo je u 2023.godini treću godinu zaredom finansijski podržala održavanje Plazma sportkih igara mladih najvećeg amaterskog takmičenja za djecu. Sportske igre mladih pružaju djeci i mladima mogućnost da

potpuno besplatno učestvuju u profesionalno organizovanim takmičenjima, a da pri tome ne moraju biti aktivni sportisti. Sportske igre mladih u svoje aktivnosti uključuju i djecu sa poteškoćama u razvoju, te koriste veliki medijski prostor kako bi ukazali na njihove probleme sa kojima se svakodnevno susreću. Igre također koriste svoj utjecaj kako bi dale svoj doprinos



smanjenju podjela među djecom različitih etničkih zajednica i nastavak izgradnje kohezivnijeg društva.

Igre nastoje pokrenuti promjene u lokalnim zajednicama širom BiH, te omogućavaju interakciju mladih sa mladima iz drugih dijelova naše domovine. Sportske igre mladih su 5 godina zaredom najveća sportska amaterska manifestacija u Evropi. Finalno takmičenje za Bosnu i



Hercegovinu tradicionalno se održava u Sarajevu, a potencijal ovog projekta je veliki jer obuhvata zemlje regiona i izvjesna je prekogranična saradnja kroz EU projekte.

Regionalna takmičenja i popratne aktivnosti Sportskih igara mladih u 2023.godini održane su u 46 bosanskohercegovačkih gradova. U Tuzlanskom kantonu takmičenja su održana u 7 gradova: Tuzla, Gračanica, Gradačac, Živinice, Lukavac, Srebrenik i Banovići. Polufinale regije održano je u Tuzli. Mališani su se takmičili u dvije konkurencije: djevojčice i dječaci te dvije kategorije 2007 godište i mlađi, te 2012.godište i mlađi. Učesnici su imali priliku nastupati u 10 sportskih disciplina : mali nogomet, ulična košarka 3x3, rukomet, odbojka, odbojka na pijesku, šah, stoni tenis, tenis, igra „između dvije vatre“ i atletika.

1.9 Najznačajniji sportski uspjesi u 2023.godini

Sportski klubovi sa područja Tuzlanskog kantona u 2023. godini su ostvarili solidne rezultate. Najvažniji rezultati u kolektivnim sportovima u 2023. godini:

- Rukometni klub „Sloboda“ Tuzla. 5. mjesto u Premijer ligi BiH, te su izborili učešće na zvanično međunarodno takmičenje EHF European Cup-u,
- Ženski košarkaški klub „RMU Banovići“ 8. mjesto Košarkaško prvenstvo BiH,
- Futsal klub „Salines“ 3. mjesto u Premijer futsal ligi BiH,
- Rukometni klub Gračanica 4. mjesto u Premijer ligi BiH,
- Rukometni klub „Konjuh“ Živinice, 8. mjesto u Premijer ligi BiH,

Najuspješnije sportske ekipe u 2023. godini:

- Košarkaški klub RMU Banovići
- Rukometni klub „Gračanica“ Gračanica
- Omladinski košarkaški klub „Sloboda“ Tuzla

Najuspješnije seniorke u 2023.godini:

- Ajla Ikanović, Košarkaški klub RMU Banovići
- Emir Suhonjić, Rukometni klub „Sloboda“ Tuzla
- Sandro Krešić, Karate klub „DO“ Tuzla
- Husein Selimović, Biciklistički klub „Tuzla“
- Edhem Vikalo, AK „Sloboda Tehnograd“ Tuzla
- Maida Beganović, KBS „Radnički“ Lukavac

Najuspješniji trener u 2023.godini:

- Slaviša Ožegović, Košarkaški klub RMU Banovići
- Damir Doborac, Rukometni klub „Gračanica“ Gračanica
- Svitlana Tinjić, Klub ritmičko sportske gimnastike „Sloboda“ Tuzla
- Anto Krešić, Karate klub „DO“ Tuzla
- Lejla Ferhatbegović-Dizdarević, KK „Winner“ Tuzla
- Željko Zombra, KBS „ORKKA“ Lukavac
- Mirza Mulahasanović, Teniski klub „Sloboda“ Tuzla

Najuspješniji kadet/kadetkinjau 2023.godini:

- Elma Mujezinović, Košarkaški klub RMU Banovići

- Dino Oštraković, Rukometni klub „Gračanica“ Gračanica
- Amina Hasanović, Fudbalski klub „Sloboda“ Tuzla
- Zerina Vrabac, Plivački klub „Sloboda“ Tuzla
- Dženita Hasić, Karate klub „Pobjednik“ Tuzla
- Šejla Aščić, Karate klub „DO“ Tuzla
- Nikola Pavljašević, AK „Sloboda Tehnograd“ Tuzla
- Sara Muratbegović, Klub ritmičko sportske gimnastike „Sloboda“ Tuzla
- Mahir Butković, Teniski klub „Sloboda“ Tuzla
- Elmira Nukić, Streljački sportski klub Konjuh Živinice
- Emina Fatušić, KBS Orkka Lukavac

Najuspješniji junior/juniorka u 2023.godini:

- Melika Mujkić, Košarkaški klub RMU Banovići
- Ajdin Beganović, Fudbalski klub „Sloboda“ Tuzla
- Harun Mešinović, Rukometni klub „Gračanica“ Gračanica
- Muhamed Šišić, Šahovski klub Gračanica
- Esma Huskanović, Klub ritmičko sportske gimnastike „Sloboda“ Tuzla
- Ranija Musić, Teniski klub „Sloboda“ Tuzla
- Bakir Musić, AK „Sloboda Tehnograd“ Tuzla
- Melina Ibrahimović, Karate klub „DO“ Tuzla

Sportski savez Tuzlanskog kantona je u sklopu svojih redovnih djelatnosti po 30. Puta organizovao manifestaciju “Izbor sportiste godine”. Manifestacija je održana 25.01.2024.godine u BKC Tuzla. Izbor je bio u pojedinačnoj i ekipnoj kategoriji. Manifestaciju je direktno prenosila RTV TK. Generalni pokrovitelj manifestacije bila je Vlada TK i Ministarstvo. Za najuspješnije



sportiste proglašeni su Stefani Krešić (pojedinačni sportovi) i Adi Mehmedćehajić (kolektivni sportovi). Specijalna priznanja za doprinosu u razvoju i promociji sporta u Tuzlanskom kantonu dobili su Fikret Selman i

Hajrudin Trle kao treneri sa najviše priznanja na ovom izboru, te KK Basket Aluplastik za

promociju basketbola 3×3 na području Tuzlanskog kantona. Sportski savez osoba sa invaliditetom Tuzlanskog kantona u organizaciji Sportskog saveza osoba sa invaliditetom Tuzlanskog kantona, a pod pokroviteljstvom Vlade Tuzlanskog kantona i Ministarstva za kulturu, sport i mlade Tuzlanskog kantona. Važno je za naglasiti da je ovo prvi put da Izbor sportiste osoba sa invaliditetom Tuzlanskog kantona organizuje Sportski savez osoba sa invaliditetom. Najboljima od najboljih u 2023. godini proglašeni su Ermin Jusufović u konkurenciji pojedinačnih i Alma Tursunović u konkurenciji ekipnih sportova.

U nastavku slijede ostali nagrađeni rezultati :

Uspješni sportski radnici osoba sa invaliditetom:

Ševal Malčinović, Vehbija Tokić, najuspješniji sportski radnik Jakub Džinić.

Uspješni sportski treneri u sportovima osoba sa invaliditetom:

Fahrudin Muharemović sjedeća odbojka, Arnel Mujić košarka u kolicima, Drago Jakić.

Perspektivni mladi sportisti u sportovima osoba sa invaliditetom:

Strahinja Rosuljaš košarka u kolicima, Ensar Duraković streljaštvo, Edin Nurković sjedeća odbojka, Faris Huremović karate.

Najuspješnije ekipe osoba sa invaliditetom u ženskoj konkurenciji:

Ekipe predstavnika u pikadu, Streljački klub osoba sa invaliditetom Živinice.

Najuspješnije ekipe osoba sa invaliditetom u muškoj konkurenciji:

Savez sportista osoba sa invaliditetom u sportskom ribolovu, SKISO „Sinovi Bosne“ Lukavac, Košarkaški invalidski klub „Zmaj“ Gradačac.

Najuspješnije sportistkinje:

Senija Islamović pikado, Aida Odobašić pikado, Alma Tursunović streljaštvo

Najuspješniji sportisti:

Enes Kamberović košarka u kolicima, Nijaz Noćajević sportski ribolov, Ermin Jusufović sjedeća odbojka.



rezultati sjedeće odbojke koje su ostvarili SKISO „Sinovi Bosne“ Lukavac- 3. mjesto Euro liga muškarci Fermo Italija. Također važno je i napomenuti da su članovi SKISO „Sinovi Bosne“ Lukavac i OKI „Drina“ Sapna članovi reprezentacije Bosne i Hercegovine u sjedećoj

Od rezultata **lica sa invaliditetom** sa zvaničnih takmičenja u organizaciji nadležnih međunarodnih organizacija za sport lica sa invaliditetom ističu se



odbojci, te da su kao članovi Reprezentacije osvojili takmičenje Zlatna liga Europe Balikeshir Turska i Evropsko prvenstvo Caorle Italija. Od rezultata ostalih rezultata izdvajamo rezultat ostvaren u Streljaštvu koji je ostvarila reprezentativka sa područja Tuzlanskog kantona Alma Tursunović koja je nastupila na Svjetskom prvenstvu u parastreljaštvu u Peru, uz učešće takmičara iz 54 zemlje svijeta. Ima Tursunović je u konkurenciji 59 takmičara sa 633,3 kruga osvojila 25 mjesto. Također Košarkaški invalidski klub „Zmaj“ Gradačac ostvario direktan plasman u EURO ligu, te osvojio 1. Mjesto u Regionalnoj NLB wheel ligi.

2 PODRŠKA RAZVOJU SPORTA OD STRANE OSTALIH ORGANA VLASTI

Podrška razvoju oblasti tjelesne kulture i sporta vrši se iz budžeta različitih nivoa vlasti. Ministarstvo civilnih poslova Bosne i Hercegovine, Federalno ministarstvo kulture i sporta, Ministarstvo porodice, omladine i sporta Republike Srpske, Odjeljenje za privredni razvoj, sport i kulturu Brčko distrikta BiH, kantonalna ministarstva nadležna za oblast sporta te jedinice lokalne samouprave u BiH su institucije zadužene za dodjelu budžetskih sredstava za razvoj sporta u Bosni i Hercegovini. Ove institucije definišu i implementiraju programe podrške razvoju sporta, a osnovne informacije o programu poticaja Ministarstva civilnih poslova BiH, Federalnog ministarstva kulture i sporta, Ministarstva Tuzlanskog kantona i lokalnih zajednica na području Tuzlanskog kantona u 2023. godini dajemo u nastavku.

2.1 Podrška Ministarstva civilnih poslova BiH sportskim manifestacijama u 2023. godini

Ministarstvo civilnih poslova Bosne i Hercegovine sredstva za sport dodjeljuje na osnovu kriterija koje donosi za svaku godinu. Na osnovu Odluke o kriterijima za raspored sredstava namijenjenih za tekući grant „Sufinansiranje sportskih manifestacija“ na osnovu kojih je raspisan Javni poziv za dodjelu sredstava namijenjenih za tekući grant „Sufinansiranje sportskih manifestacija“. Pravo na dodjelu sredstava imali su Olimpijski komitet Bosne i Hercegovine, Paraolimpijski komitet Bosne i Hercegovine, Specijalna olimpijada u Bosni i Hercegovini, sportski savezi registrirani na nivou Bosne i Hercegovine i entiteta, sportski savezi osoba sa invaliditetom registrirani na nivou Bosne i Hercegovine i entiteta, sportski klubovi u Bosni i Hercegovini koji organiziraju ili učestvuju na međunarodnim sportskim manifestacijama, pravna lica u svrhu sufinansiranja infrastrukturnih radova na sportskim objektima koji će direktno doprinijeti održavanju sportskih aktivnosti za koje apliciraju.

Odlukom Ministarstva civilnih poslova Bosne i Hercegovine o rasporedu sredstava namijenjenih za tekući grant "Sufinanciranje sportskih manifestacija" za 2023. godinu ukupan iznos dodijeljenih sredstava je 1.342.000,00 KM. U nastavku donosimo pregled sportskih organizacija sa područja Tuzlanskog kantona koje su ostvarile pravo na dodjelu sredstava namijenjenih za tekući grant "Sufinanciranje sportskih manifestacija" za 2023. godinu

Naziv sportske organizacije	Iznos sredstava
Karate klub "DO" Tuzla	3.000,00 KM
Omladinska šahovska škola „Akademija šampiona“ Doboj Istok	4.000,00 KM

2.2 Poticaji razvoju sporta od strane Federalnog ministarstva kulture i sporta

Federalno ministarstvo kulture i sporta je u okviru Javnog poziva za odabir programa i projekata koji će se sufinansirati iz Budžeta Federacije Bosne i Hercegovine u 2023. godini

putem Transfera za sport od značaja za Federaciju odabralo ukupno 279 korisnika. Odabir programa i projekata vršen je za slijedeće namjene: sufinansiranje izgradnje, rekonstrukcije i opremanja sportskih objekata, sufinansiranje djelatnosti sportskih saveza konstituiranih na nivou BiH i FBiH i sufinansiranje sportskih saveza i klubova osoba sa invaliditetom. Kada se uporede formalno pravno neispravne prijave i korisnici kojima su dodijeljena sredstva po Javnom pozivu može se konstatovati da je nastavljena praksa izuzetno malog učešća sportskih organizacija sa područja Tuzlanskog kantona koje učestvuju u Javnim pozivima Federalnog ministarstva kulture i sporta. Pregled podržanih korisnika sa područja Tuzlanskog kantona sa iznosom dodijeljenih sredstava prezentiran je u Tabeli 2.

Tabela 3. Pregled korisnika sa područja Tuzlanskog kantona podržanih u okviru Javnog poziva za odabir programa i projekata koji će se sufinansirati iz Budžeta Federacije Bosne i Hercegovine u 2023. godini putem Transfera za sport od značaja za Federaciju Federalnog ministarstva kulture i sporta sa iznosom dodijeljenih sredstava

Oblast namjene sredstava	Naziv korisnika	Sjedište	Iznos dodijeljenih sredstava
Sufinansiranje izgradnje, rekonstrukcije i opremanje sportskih objekata	Karate klub "Do" Tuzla	Tuzla	8,000
	Javna ustanova "Gradska dvorana" d.o.o Živinice	Živinice	10,000
Sufinansiranje sportskih klubova osoba sa invaliditetom	Odbojkaški klub invalida "Kalesija" Kalesija	Kalesija	1,000
	SKISO "Sinovi Bosne" Lukavac	Lukavac	2,000
	Streljački klub osoba sa invaliditetom Živinice	Živinice	2,000
	Odbojkaški klub invalida "Drina" Sapna	Sapna	1,000
	Eko-ronilačka grupa invalida	Lukavac	2,000
UKUPNO			26,000

Iz navedenog se može zaključiti da su sredstva koja se dodjeljuju sa federalnog nivoa vlasti sportskim organizacijama sa područja Tuzlanskog kantona izuzetno mala, ali i da je jako malo učešće sportskih organizacija sa područja Tuzlanskog kantona u ukupnom broju prijava.

2.3 Institucionalna i finansijska podrška razvoju sporta iz sredstava Budžeta Tuzlanskog kantona za 2023. godinu

Zakonom o sportu, propisano je da se finansiranje sporta vrši iz javnih sredstava, kojima se podstiče obavljanje sportskih djelatnosti, u skladu sa kriterijima koje utvrđuje Vlada Kantona, odnosno nadležni organ opštine. Istim članom propisano je da se iz Budžeta Kantona sportske djelatnosti sufinansiraju u iznosu do 1% prihoda budžeta Kantona, izuzimajući finansiranje, kao i vlastite i namjenske prihode budžetskih korisnika.

U prosjeku je u posljednjih 18 godina za sport izdvajano oko 800.000,00 KM godišnje. Najveći iznos sredstava koji je planiran u budžetu je 1.297.000,00 KM koja su bila izdvojena u Budžetu za 2011. godinu. U periodu 2015-2017.godina iznos za podršku sportu bio je na nivou od 400.000,00 KM godišnje. Od 2018. godine iznos sredstava za sport se neznatno povećavao, te su u 2020. godini sredstva iznosila 705.000,00 KM. Usvajanjem rebalansa budžeta u 2021. godini na potrošačkom mjestu tjelesna kultura i sport dolazi do velikog povećanja sredstava za oblast tjelesne kulture i sporta i sredstva su povećana na 1.555.000,00 KM što je za 850.000,00

KM više u odnosu na 2020. godinu. U 2022. godini Ministarstvo je za oblast tjelesne kulture i sporta realizovalo sredstva u ukupnom iznosu od 2.279.917,10 KM. Kada je u pitanju izvršenje planiranih sredstava u 2023. godini Ministarstvo je za oblast tjelesne kulture i sporta izdvojilo sredstva u ukupnom iznosu od 1.874.000,00 KM.

Tabela 4. Pregled ukupno realizovanih sredstava za tjelesnu kulturu i sport za 2023. godinu.

R.B (1)	Opis (2)	Plan 2023. (3)	Ostvareno 2023. (4)
1.	Ugovorene i druge posebne usluge	25.000,00	10.950,20
2.	Tekući transferi pojedincima	110.000,00	109.400,00
3.	Tekući transferi neprofitnim organizacijama	860.000,00	859.998,50
4.	Subvencije javnim preduzećima	100.000,00	100.000,00
5.	Kapitalni grantovi drugim nivoima vlade	409.000,00	299.423,83
6.	Kapitalni transfer neprofitnim organizacijama	200.000,00	79.154,11
7.	Kapitalni transferi javnim preduzećima	150.000,00	91.053,54
5.	Nabavka stalnih sredstava u obliku prava	20.000	0,00
UKUPNO		1.874.000,00	1.549.980,18

Ministarstvo se prilikom predlaganja rebalansa budžeta za 2024.godinu izjasnilo da se veća sredstva trebaju planirati za neke druge namjene, jer prema dostupnim podacima u tom trenutku bilo je evidentno da je nophodno izdvojiti više sredstava za sportske stipendije i za kapitalne transfere neprofitnim organizacijama. Pored ovih sredstava ostala su neutrošena sredstva u iznosu od 20.000,00 KM planirana za Strategiju razvoja sporta, koju nije bilo moguće realizovati iz razloga što registri pravnih i fizičkih lica u oblasti sporta još nisu uspostavljeni.

U sklopu Programa rada za 2023. godinu, a u okviru programa „**Finansiranje i podrška razvoju sporta,**” Ministarstvo je u 2023. godini realizovalo tri javna poziva namijenjena razvoju sporta kao djelatnosti od javnog interesa na području Kantona i to:

1. Javni poziv za sufinansiranje programa/projekata sportskih organizacija u oblasti tjelesne kulture i sporta za 2023. godinu,
2. Javni poziv za dodjelu sportskih stipendija za sportiste i trenere za 2023. godinu,
3. Javni poziv za sufinansiranje projekata rekonstrukcije i opremanja sportskih objekata za 2021. godinu.

Ministarstvo je u 2023.godini izdvojilo 700.000 KM za sufinansiranje programa/projekata sportskih organizacija u oblasti tjelesne kulture i sporta pri čemu su podržana ukupno 95 projekata sportskih organizacija. Važno je za napomenuti da je Ministarstvo u okviru ovih izdvajanja kao i prethodnih godina osiguralo sredstva i za sufinansiranje pružanja usluga korištenja sportskih dvorana, pratećih objekata i sadržaja, prateće opreme i rekvizita i ostalih sportskih sadržaja za obavljanje trenažnog procesa sportskim pravnim licima u kolektivnim sportovima koje se takmiče u prva dva najviša ranga takmičenja na nivou BiH.

Tabela 5.. pregled broja projekata i učešće u ukupnom iznosu sredstava u okviru Javnog poziva za sufinansiranje programa/ projekata sportskih organizacija u oblasti tjelesne kulture i sporta za 2023.godinu prema sjedištu korisnika

Sjedište korisnika	Učešće u ukupnom iznosu dodijeljenih sredstava	Broj korisnika	Učešće u ukupnom broju korisnika
Banovići	15.19%	11	11.58%
Doboj Istok	2.51%	6	6.32%
Gračanica	1.21%	4	4.21%
Gradačac	8.61%	4	4.21%
Kalesija	0.29%	1	1.05%
Kladanj	0.00%	0	0.00%
Lukavac	9.97%	11	11.58%
Srebrenik	3.71%	5	5.26%
Teočak	0.07%	1	1.05%
Tuzla	42.90%	42	44.21%
Živinice	13.64%	8	8.42%
Sapna	1.90%	2	2.11%
Čelić	0.00%	0	0.00%

Kada je u pitanju sportska infrastruktura u 2023.godini Ministarstvo je dodijelilo 469.631,48 KM za rekonstrukciju i opremanje 7 sportskih objekata sa područja Tuzlanskog kantona. Ministarstvo je realizacijom ovog projekta i u 2023.godini došlo do veoma značajnih informacija koje su vezane za stvarno stanje sportskih objekata na području Tuzlanskog kantona, kao i podataka sa kojim problemima se institucije i organizacije susreću u lokalnim zajednicama a koje su u samom procesu rekonstrukcije sportskih objekata vezane za oblast prostornog planiranja. Međutim, postojeći zakon koji je donesen na kantonalnom nivou a kojim je regulisana oblast prostornog planiranja uređuje i pitanja rješavanja postojećih problema u lokalnim zajednicama, te je pored finansijskih efekata ovog projekta evidentan i efekat uređenja u smislu posjedovanja valjane dokumentacije sportskih objekata na području Tuzlanskog kantona što je preduslov za zajedničke projekte kojim sportske organizacije ili JLS u čijem vlasništvu se nalaze sportski objekti mogu aplicirati prema EU fondovima. Pozitivan efekat je vidljiv u odnosu na 2021.godinu kada je prvi puta realizovan projekat ulaganja u sportsku infrastrukturu.

Kao Ministarstvo u 2023.godini najponosniji smo na sportske stipendije, te je važno za napomenuti da je u odnosu na 2022.godinu došlo do znatnog povećanja broja nagrađenih sportista i trenera. U 2022.godini je putem Javnog poziva podržano ukupno 25 sportista i trenera u ukupnom iznosu od 30.650,00 KM, te su značajna sredstva planirana za ove namjene tada ostala neutrošena. U 2023.godini smo osigurali sredstva za 58 sportista i njihovih trenera u ukupnom iznosu od 85.750,00 KM. Također su značajna sredstva izdvojena za ostvarene studentske i školske sportske rezultate za 2023.godinu, pa smo tako u 2023.godini podržali postignute školske sportske rezultate za 132 učenika osnovnih i srednjih škola, te njihove nastavnike u ukupnom iznosu od 23.650,00 KM. Ministarstvo će u narednom periodu za 2024.godinu nastojati povećati sredstva za dodjelu sportskih stipendija kako bismo dodatno stimulisali sportiste, te na taj način potaknuli razvoj vrhunskog i kvalitetnog sporta na području Kantona, te motivisali sportiste učenike da budu još bolji. Ministarstvo je u 2023.godini iz

sredstava za pojedinačne odluke omogućilo odlazak reprezentativcima BiH sa područja Tuzlanskog kantona na Svjetska i Evropska prvenstva u ritmičkoj gimnastici, karateu, stonom tenisu i streljaštvu.

Vlada Tuzlanskog kantona je u 2023. godini izdvojila značajna sredstva za odigravanje reprezentativnih utakmica (košarke i rukometa) u Mejdanu, a imajući u vidu da je Tuzlanski kanton posebno poznat kada je u pitanju podrška i atmosfera na košarkaškim utakmicama, domaćinstvo reprezentativnih susreta nam čini posebnu privilegiju.

Ministarstvo je u 2023. godini nastavilo sa sufinansiranjem stručnih poslova Sportskog saveza Tuzlanskog kantona i Sportskog saveza osoba sa invaliditetom Tuzlanskog kantona, što je definisano odredbama Zakona. U 2023. godini podržani su projekti koji doprinose omasovljenju bavljenja tjelesnom aktivnošću djece, a to su Male olimpijske igre koje predstavljaju zvanično sportsko školsko takmičenje i Sportske igre mladih koje pružaju djeci i mladima mogućnost da potpuno besplatno učestvuju u profesionalno organizovanim takmičenjima, a da pri tome ne moraju biti aktivni sportisti. U cilju omasovljenja djece koja se bave sportom Ministarstvo je u 2023. godini intenziviralo aktivnosti na uspostavljanju Školskog sportskog saveza koji je ključni u sprovođenju školskih sportskih aktivnosti i stvaranju baze potencijalnih profesionalnih sportista.

Ministarstvo je i u 2023. godini nastavilo sa projektom koji je započet u 2019. godini te je realizovalo aktivnosti vezane za promociju bavljenja sportom a to su TV emisija „Timski za sport“ i četvrto izdanje informativnog časopisa o sportu „Sportski glasnik TK“. Sportski glasnik za cilj ima promociju profesionalnog, amaterskog i školskog sporta, sa posebnim osvrtom na zapažene rezultate sportista, sportskih klubova, društava i asocijacija koji egzistiraju na području Tuzlanskog kantona, čiji rezultati često u javnosti opterećenoj dnevno političkim dešavanjima ostaju nezapažene. Osnovni cilj projekta „Timski za sport“ je medijska promocija uspješnih sportskih organizacija, sportista i sportskih radnika sa područja svih gradova i opština Tuzlanskog kantona, kako bi prvenstveno mlađoj populaciji približili važnost bavljenja sportom. Također, jedan od ciljeva je i afirmacija aktivnosti masovno-rekreacijskog karaktera i sportskih aktivnosti, kako bi stimulisali povećanje broja sportski aktivnih građana, jer je bavljenje sportom od izuzetne važnosti za zdravlje.

Ministarstvo je 13.05.2022. godine imenovalo saziv Savjeta za sport kao savjetodavnog tijela Ministarstva koje se brinuo o razvoju kvalitetu sporta na nivou Tuzlanskog kantona i u 2023. godini. U fokusu rada Savjeta u 2023. godini bio je školski sport pa je tako Savjet organizovao tematske sjednice na kojima je je kroz prizmu organizacije školskih takmičenja vodio raspravu o problemu nefunkcionisanja Školskih sportskih društava gradova/ općina i Školskog sportskog saveza Tuzlanskog kantona čije bi uspostavljanje umnogome moglo pridonijeti realizaciji školskih sportskih takmičenja. Koordinacijom Ministarstva i svih relevantnih aktera na području Tuzlanskog kantona zaživio je Školski sportski Savez Tuzlanskog kantona. Također Savjet za sport Tuzlanskog kantona je podnio inicijativu da se školska sportska takmičenja uvrste u kalendar takmičenja osnovnih i srednjih škola koji utvrđuje Pedagoški zavod Tuzlanskog kantona kao i da se u Budžetu Tuzlanskog kantona obezbijede sredstva za finansiranje Školskog sportskog saveza Tuzlanskog kantona. Uzimajući u obzir stanje na terenu nakon provedenog Javnog poziva za sufinansiranje projekata/programa sportskih organizacija u oblasti tjelesne kulture i sporta za 2022. godinu, Savjet za sport je u skladu sa svojim nadležnostima predložio izmjenu Odluke o utvrđivanju uslova, kriterija i postupka za raspodjelu sredstava sa potrošačke jedinice 32010002 – Tjelesna kultura i sport za 2023. godinu, u dijelu koji se tiče neophodne dokumentacije za prijavu na Javni poziv u 2023. godini, iznesen je niz prijedloga, te posredstvom Sekretara Savjeta proslijeđen resornom

Ministru, te su predložene izmjene djelimično usvojene. Također, Savjet za sport Tuzlanskog kantona je predložio da se u narednom periodu koriguje Odluka o utvrđivanju kantonalne nagrade, priznanja i stipendija za sport, analizirajući usvojeni tekst iste u 2022.godini. Savjet za sport je na svojoj sjednici u februaru usvojio program rada Savjeta za 2023.godinu, na kojem su zajednički radili svi članovi Savjeta, te u fokus svog djelovanja stavio određena pitanja. Program rada Savjeta nalazi se u prilogu ovog akta. Jedna od nezaobilaznih tema sjednica Savjeta za sport bila je i Strategija razvoja sporta, u nekoliko navrata članovi Savjeta su isticali važnost postojanja iste, te njezinu dobrobit za unapređenje stanja u oblasti sporta na području Tuzlanskog kantona, nažalost po tom pitanju uzimajući u obzir kadrovske kapacitete Ministarstva do danas zajedničkim snagama nismo uspjeli prebaciti fokus rada na Strategiju.

Uzimajući u obzir sve pethodno navedeno nadamo se da ćemo u narednom periodu zajedničkim snagama nastaviti unaprjeđivati stanje u oblasti sporta na području Tuzlanskog kantona, uzimajući u obzir da su Ministarstvo i Vlada Tuzlanskog kantona snažno opredijeljeni ka unaprjeđenju sporta na području Tuzlanskog kantona, te svjesni važnosti sporta kako za Tuzlanski kanton tako i za cijelu Bosnu i Hercegovinu, a što su nebrojeno puta kroz primjere finansijske podrške sportu i sportistima sa područja Tuzlanskog kantona i dokazali.

U 2023.godini upriličeno je više prijema za uspješne sportiste, posebno sportiste koji su reprezentativci Bosne i Hercegovine, pružena je podrška u organizaciji utakmica reprezentativnih selekcija, a posebno se izdvajaju nastupi košarkaške i rukometne reprezentacije Bosne i Hercegovine za utakmice koje su odigrali u Međdanu.

3 SMJERNICE RAZVOJA SPORTA NA PODRUČJU TUZLANSKOG KANTONA U 2024. GODINI

Jedan od ključnih dijelova Informacije o stanju u oblasti sporta na području Tuzlanskog kantona predstavljaju smjernice za razvoj sporta u 2024. godini kreirane na osnovu prezentiranih informacija u dokumentu. Realizacijom navedenih smjernica doprinijelo bi se unapređenju stanja u oblasti sporta na području Tuzlanskog kantona. Međutim, ovdje prije svega treba istaći da veliki dio predloženih aktivnosti nije samo u nadležnosti Ministarstva, već i drugih aktera, a realizacija planiranih aktivnosti zavisi od više faktora kao što su raspoloživa finansijska sredstva, spremnost sportskih saveza na saradnju i implementaciju planiranih aktivnosti, spremnost ostalih sportskih organizacija za aktivizam i djelovanje, uticaj odluka koje se donose na višim nivoima vlasti i slično. Ministarstvo će i pored takvih okolnosti, u skladu sa zakonskim obavezama, nastojati da usmjeri strateške ciljeve na one aktivnosti koje će u konačnici dati optimalne rezultate.

Ono što je vidljivo je da su problemi u sportu isti već unazad nekoliko godina, i da je rješavanju istih neophodno pristupiti mnogo ozbiljnije. Sport kao jedan od najvećih promotora države zasigurno zaslužuje ubrzan proces djelovanja od strane nadležnih institucija, ali i daleko veću uključenost donatora koji treba da imaju veliku ulogu u finansiranju sporta posebno kada se radi o profesionalnim sportistima. Ono što je važno je da postoji politička volja za unapređenjem stanja u ovoj oblasti na području Kantona, što se vidi iz dodijeljenih sredstava.

Smjernice za aktivnosti koje je potrebno realizirati u 2024. godini kako bi se doprinijelo unapređenju stanja sporta na području Tuzlanskog kantona u vezi su sa godišnjim i trogodišnjim programom rada Ministarstva koji proizilazi iz usvojenih strateških dokumenata i akcionih

planova, te su za razliku od dosadašnje prakse u nastavku predstavljeni strateški pravci djelovanja u oblasti sporta na području Kantona kroz konkretne aktivnosti i sa finansijskim efektima svakog projekta.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo za kulturu, sport i mlade

MINISTAR
mr. Damir Gazdić

Broj:
Tuzla,

Redni broj i naziv programa (mjere): 2. Unapređenje uslova za razvoj i bavljenje sportom

Naziv strateškog dokumenta, oznaka strateškog cilja, prioriteta i mjere koja je preuzeta kao program: Strategija razvoja Tuzlanskog kantona za period 2021.-2027. Godine, Mjera 2.4.1.

Naziv aktivnosti/projekta	Rok izvršenja	Očekivani rezultat aktivnosti/projekta	Nosilac (najmanji organizacioni dio)	PJI ²	Usvaja se ³ (Da/Ne)	Izvori i iznosi planiranih finansijskih sredstava u KM	
						Izvori	Iznos
2.1 Podržati projekte rekonstrukcije i opremanja postojećih sportskih objekata	II-IV kvartal (kontinuirano)	100% projekata koji ispunjavaju uslove i kriterije podržano	Odjeljenje za kulturu, sport i mlade Odsjek za sport	K	DA	Budžetska sredstva	759.000
						Kreditna sredstva	-
						Sredstva EU	-
						Ostale donacije	-
						Ostala sredstva	-
						Ukupno	759.000
2.2 Podržati realizaciju projekta Male olimpijske igre TK kao kantonalnih školskih takmičenja u organizaciji Školskog sportskog saveza TK	II-IV kvartal (kontinuirano)	Školski sportski savez TK organizuje kantonalna školska takmičenja i realizuje projekat Male olimpijske igre 30% povećan broj djece koji učestvuju na Malim olimpijskim igrama	Odjeljenje za kulturu, sport i mlade Odsjek za sport	-	NE	Budžetska sredstva	15.000
						Kreditna sredstva	-
						Sredstva EU	-
						Ostale donacije	-
						Ostala sredstva	-
						Ukupno	15.000
2.3. Podrška radu Savjeta za sport	I-IV kvartal (kontinuirano)	Održane sjednice Savjeta za sport podržane administrativno i finansijski	Odjeljenje za kulturu, sport i mlade Odsjek za sport		NE	Budžetska sredstva	5.000
						Kreditna sredstva	-
						Sredstva EU	-
						Ostale donacije	-
						Ostala sredstva	-
						Ukupno	5.000
Ukupno za program (mjeru) 2.						Budžetska sredstva	779.000
						Kreditna sredstva	-
						Sredstva EU	-
						Ostale donacije	-
						Ostala sredstva	-
						Ukupno	779.000

Redni broj i naziv programa (mjere): 3. Unapređenje sistema rada sportskih organizacija na području Tuzlanskog kantona

Naziv strateškog dokumenta, oznaka strateškog cilja, prioriteta i mjere koja je preuzeta kao program: Strategija razvoja Tuzlanskog kantona za period 2021.-2027. Godine, Mjera 2.4.2

Naziv aktivnosti/projekta	Rok izvršenja	Očekivani rezultat aktivnosti/projekta	Nosilac (najmanji organizacioni dio)	PJI ²	Usvaja se ³ (Da/N)	Izvori i iznosi planiranih finansijskih sredstava u KM	
						Izvori	Iznos
3.1. Uspostaviti i redovno ažurirati registar pravnih lica u oblasti sporta na području Tuzlanskog kantona	IV kvartal (kontinuirano)	Registar pravnih lica uspostavljen i redovno ažuriran	Odjeljenje za kulturu, sport i mlade Odsjek za sport	-	DA	Budžetska sredstva	3.000
						Kreditna sredstva	-
						Sredstva EU	-
						Ostale donacije	-
						Ostala sredstva	-
						Ukupno	3.000
3.2 Uspostaviti i redovno ažurirati registar fizičkih lica u oblasti sporta na području Tuzlanskog kantona	IV kvartal (kontinuirano)	Registar fizičkih lica u oblasti sporta uspostavljen i redovno ažuriran	Odjeljenje za kulturu, sport i mlade Odsjek za sport	-	DA	Budžetska sredstva	2.000
						Kreditna sredstva	-
						Sredstva EU	-
						Ostale donacije	-
						Ostala sredstva	-
						Ukupno	2.000
3.3. Podrška radu Sportskog saveza Tuzlanskog kantona	I-IV kvartal (kontinuirano)	100% projekata i rad kancelarije Sportskog saveza koji ispunjavaju uslove za dodjelu sredstava podržani	Odjeljenje za kulturu, sport i mlade Odsjek za sport		NE	Budžetska sredstva	80.000
						Kreditna sredstva	-
						Sredstva EU	-
						Ostale donacije	-
						Ostala sredstva	-
						Ukupno	80.000
3.4. Podrška radu Sportskog saveza lica sa invaliditetom Tuzlanskog kantona	I-IV kvartal (kontinuirano)	100% projekata i rad kancelarije Sportskog saveza lica sa invaliditetom koji ispunjavaju uslove za dodjelu sredstava podržani	Odjeljenje za kulturu, sport i mlade Odsjek za sport		NE	Budžetska sredstva	30.000
						Kreditna sredstva	-
						Sredstva EU	-
						Ostale donacije	-
						Ostala sredstva	-
						Ukupno	30.000

3.5. Izvršiti kontrolu i efekte dodijeljenih sredstava za projekte sportskih organizacija	I-II kvartal (kontinuirano)	100% pregledanih Izvještaja o utrošku dodijeljenih sredstava za projekte sportskih organizacija kojima su dodijeljena sredstva u prethodnoj godini	Odjeljenje za kulturu, sport i mlade Odsjek za sport		DA	Budžetska sredstva	-
						Kreditna sredstva	-
						Sredstva EU	-
						Ostale donacije	-
						Ostala sredstva	-
						Ukupno	0
3.6. Utvrditi uslove, kriterije i postupak raspodjele budžetskih sredstava sa potrošačke jedinice 32010002- Tjelesna kultura i sport za svaku budžetsku godinu	I kvartal	Uslovi, kriteriji i postupak raspodjele budžetskih sredstava sa potrošačke jedinice 32010002-Tjelesna kultura i sport utvrđeni za budžetsku 2024. godinu	Odjeljenje za kulturu, sport i mlade Odsjek za sport	-	DA	Budžetska sredstva	-
						Kreditna sredstva	-
						Sredstva EU	-
						Ostale donacije	-
						Ostala sredstva	-
						Ukupno	0
3.7. Podržati projekte/programe sportskih organizacija u oblasti tjelesne kulture i sporta	III kvartal (kontinuirano)	100% projekata koji ispunjavaju uslove i kriterije podržano	Odjeljenje za kulturu, sport i mlade Odsjek za sport	-	DA	Budžetska sredstva	1.036.000
						Kreditna sredstva	-
						Sredstva EU	-
						Ostale donacije	-
						Ostala sredstva	-
						Ukupno	1.036.000
3.8. Podržati sportiste kroz stipendiranje	II kvartal	100% sportista koji ispunjavaju uslove i kriterije podržano	Odjeljenje za kulturu, sport i mlade Odsjek za sport		DA	Budžetska sredstva	130.000
						Kreditna sredstva	-
						Sredstva EU	-
						Ostale donacije	-
						Ostala sredstva	-
						Ukupno	130.000
3.9. Podržati sportiste, osvajače medalja na najvećim svjetskim i evropskim takmičenjima kroz nagrađivanje	Kontinuirano prema	100% sportista koji su podnijeli zahtjev za nagrađivanje a ispunjavaju uslove i kriterije podržano	Odjeljenje za kulturu, sport i mlade Odsjek za sport		DA	Budžetska sredstva	10.000
						Kreditna sredstva	-
						Sredstva EU	-

Informacija o stanju u oblasti sporta na području Tuzlanskog kantona u 2023. godini

	podneseno m zahtjevu					Ostale donacije	-
						Ostala sredstva	-
						Ukupno	10.000
3.10. Izraditi Strategiju razvoja sporta Tuzlanskog kantona	IV kvartal (kontinuirano)	Pokrenut proces izrade Strategije razvoja sporta Tuzlanskog kantona za period 2023-2030	Odjeljenje za kulturu, sport i mlade Odsjek za sport	-	DA	Budžetska sredstva	20.000
						Kreditna sredstva	-
						Sredstva EU	-
						Ostale donacije	-
						Ostala sredstva	-
						Ukupno	20.000
						3.11. Promovisati sport i sportske aktivnosti na području Tuzlanskog kantona kroz medijsku promociju i štampanje publikacije o realizovanim sportskim aktivnostima i podršci sportu na području Tuzlanskog kantona	IV kvartal
Kreditna sredstva	-						
Sredstva EU	-						
Ostale donacije	-						
Ostala sredstva	-						
Ukupno	10.000						
3.11.2 Urediti normativno-pravni okvir u oblasti sporta	II kvartal	Provedbeni propis kojim se utvrđuju kantonalne nagrade, priznanja i stipendije za sport donesen u 2024. godini	Odjeljenje za kulturu, sport i mlade Odsjek za sport	-	DA		
						Kreditna sredstva	-
						Sredstva EU	-
						Ostale donacije	-
						Ostala sredstva	-
						Ukupno	0
						Ukupno za program (mjeru) 3.	
					Kreditna sredstva		-
					Sredstva EU		-
					Ostale donacije		-
					Ostala sredstva		-